



Deddf Casglu a Rheoli Trethi (Cymru) 2016

2016 dccc 6

RHAN 8

ADOLYGIADAU AC APELAU

PENNOD 1

RHAGARWEINIOL

Trosolwg

171 Trosolwg o'r Rhan

- (1) Mae'r Rhan hon yn gwneud darpariaeth ar gyfer adolygiadau o benderfyniadau penodol gan ACC, ac apelau yn eu herbyn, gan gynnwys darpariaeth ynghylch—
 - (a) y penderfyniadau sy'n benderfyniadau apeliadwy,
 - (b) yr hawl i ofyn i ACC adolygu penderfyniadau apeliadwy,
 - (c) y ddyletswydd ar ACC i gynnal adolygiadau ar gais,
 - (d) effaith casgliadau adolygiad,
 - (e) yr hawl i apelio i'r tribiwnlys yn erbyn penderfyniadau apeliadwy, boed hynny yn dilyn adolygiad neu fel arall, ac
 - (f) y ddyletswydd ar y tribiwnlys i ddyfarnu ar yr apelau hynny.
- (2) Mae'r Rhan hon hefyd yn gwneud darpariaeth ar gyfer setlo anghydfodau sy'n ymwneud â phenderfyniadau apeliadwy drwy gytundeb.

Gwybodaeth Cychwyn

II A. 171 mewn grym ar 26.4.2016, gweler **a. 194(1)(b)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

Penderfyniadau apeliadwy

172 Penderfyniadau apeliadwy

- (1) Caiff person y mae penderfyniad apeliadwy yn gymwys iddo—
- (a) gofyn am adolygiad o'r penderfyniad (yn ddarostyngedig i is-adran (4)), a
 - (b) apelio yn erbyn y penderfyniad,
- yn unol â'r darpariaethau a ganlyn yn y Rhan hon.
- (2) Mae'r penderfyniadau a ganlyn gan ACC yn benderfyniadau apeliadwy—
- (a) penderfyniad sy'n effeithio ar ba un a yw treth ddatganoledig i'w chodi ar berson;
 - (b) penderfyniad sy'n effeithio ar y swm o dreth ddatganoledig sydd i'w godi ar berson;
 - (c) penderfyniad sy'n effeithio ar y diwrnod erbyn pryd y mae'n rhaid talu swm o dreth ddatganoledig;
 - (d) penderfyniad ynglŷn â chosb sy'n ymwneud â threth ddatganoledig;
 - (e) penderfyniad i ddyroddi hysbysiad gwybodaeth neu gynnwys gofyniad penodol mewn hysbysiad o'r fath;
 - [^{F1}(f) penderfyniad i ddyroddi hysbysiad o dan baragraff 14 o Atodlen 16 i DTTT (adennill rhyddhad grŵp: hysbysiad yn gwneud taliad yn ofynnol gan un arall o gwmnïau'r grŵp neu gyfarwyddwr â rheolaeth);
 - (g) penderfyniad i ddyroddi hysbysiad o dan baragraff 9 o Atodlen 17 i'r Ddeddf honno (adennill rhyddhad atgyfansoddi neu ryddhad caffael: hysbysiad yn gwneud taliad yn ofynnol gan un arall o gwmnïau'r grŵp neu gyfarwyddwr â rheolaeth);]
 - [^{F2}(h) penderfyniad sy'n ymwneud â'r dull sydd i'w ddefnyddio gan weithredwr safle tirlenwi awdurdodedig i bennu pwysau deunydd at ddibenion treth gwarediadau tirlenwi;]
 - [^{F3}(i) penderfyniad sy'n ymwneud â chofrestru person at ddibenion treth gwarediadau tirlenwi;]
 - [^{F4}(j) penderfyniad sy'n ymwneud â dynodi man nad yw at ddibenion gwaredu at ddibenion treth gwarediadau tirlenwi;]
 - [^{F5}(k) penderfyniad sy'n ymwneud â dynodi grŵp o gyrff corfforaethol at ddibenion treth gwarediadau tirlenwi;]
 - [^{F6}(l) penderfyniad sy'n ymwneud â chredyd treth mewn cysylltiad â threth gwarediadau tirlenwi.]
- [^{F7}(2A) Yn is-adran (2), mae i “gweithredwr”, “safle tirlenwi awdurdodedig”, “cofrestru” a “man nad yw at ddibenion gwaredu” yr un ystyr ag a roddir iddynt yn DTGT.]
- (3) Ond nid yw'r penderfyniadau a ganlyn yn benderfyniadau apeliadwy—
- (a) penderfyniad i ddyroddi hysbysiad ymholiad o dan adran 43 neu 74;
 - (b) penderfyniad i ddyroddi—
 - (i) hysbysiad trethdalwr, neu
 - (ii) hysbysiad trydydd parti y mae adran 90(3) yn gymwys iddo;
 - (c) penderfyniad i gynnwys gofyniad penodol mewn—
 - (i) hysbysiad trethdalwr, neu
 - (ii) hysbysiad trydydd parti y mae adran 90(3) yn gymwys iddo.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

- (4) Pan fo'r tribiwnlys wedi cymeradwyo dyroddi hysbysiad gwybodaeth, ni chaff person ofyn am adolygiad o benderfyniad ACC i ddyroddi'r hysbysiad.
- (5) Pan ganiateir gofyn am adolygiad, neu wneud apêl, mewn cysylltiad â phenderfyniad i ddyroddi hysbysiad gwybodaeth neu gynnwys gofyniad mewn hysbysiad o'r fath, caniateir gofyn amdano neu ei wneud ar y seiliau a ganlyn yn unig—
- ei bod yn afresymol ei gwneud yn ofynnol i'r person y dyroddwyd yr hysbysiad iddo gydymffurfio â'r hysbysiad neu'r gofyniad;
 - bod darpariaeth yn adrannau 97 i 102 yn rhwystro'r hysbysiad rhag ei gwneud yn ofynnol i'r person ddarparu'r wybodaeth neu gyflwyno'r ddogfen;
 - yn achos hysbysiad adnabod a ddyroddir o dan adran 92 neu hysbysiad cyswllt dyledwr a ddyroddir o dan adran 93, nad yw amod 4 o'r adran honno wedi ei fodloni.
- (6) Yn achos penderfyniad i ddyroddi hysbysiad gwybodaeth neu gynnwys gofyniad penodol mewn hysbysiad o'r fath, y person y mae'r penderfyniad yn gymwys iddo at ddibenion is-adran (1) yw'r person y dyroddwyd yr hysbysiad iddo.
- (7) Caiff Gweinidogion Cymru wneud y canlynol drwy reoliadau—
- addasu'r adran hon er mwyn—
 - ychwanegu penderfyniad at is-adran (2) neu (3);
 - amrywio'r disgrifiad o benderfyniad yn y naill neu'r llall o'r is-adrannau hynny;
 - tynnu ymaith benderfyniad o'r naill neu'r llall o'r is-adrannau hynny;
 - diwygio'r Rhan hon er mwyn gwneud darpariaeth ynghylch ar ba seiliau y caniateir gofyn am adolygiad, neu wneud apêl, mewn cysylltiad â phenderfyniad apeliadwy.

Diwygiadau Testunol

- F1** A. 172(2)(f)(g) wedi ei fewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 62**; O.S. 2018/34, ergl. 3
- F2** A. 172(2)(h) wedi ei fewnosod (25.1.2018) gan Deddf Treth Gwarediadau Tirlenwi (Cymru) 2017 (anaw 3), **aa. 24**, 97(2); O.S. 2018/35, ergl. 2(d)
- F3** A. 172(2)(i) wedi ei fewnosod (25.1.2018) gan Deddf Treth Gwarediadau Tirlenwi (Cymru) 2017 (anaw 3), **aa. 38**, 97(2); O.S. 2018/35, ergl. 2(l)
- F4** A. 172(2)(j) wedi ei fewnosod (25.1.2018) gan Deddf Treth Gwarediadau Tirlenwi (Cymru) 2017 (anaw 3), **aa. 58**, 97(2); O.S. 2018/35, ergl. 2(r)
- F5** A. 172(2)(k) wedi ei fewnosod (25.1.2018) gan Deddf Treth Gwarediadau Tirlenwi (Cymru) 2017 (anaw 3), **aa. 80**, 97(2); O.S. 2018/35, ergl. 2(w)
- F6** A. 172(2)(l) wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 43**
- F7** A. 172(2A) wedi ei fewnosod (25.1.2018) gan Deddf Treth Gwarediadau Tirlenwi (Cymru) 2017 (anaw 3), a. 97(2), **Atod. 4 para. 16**; O.S. 2018/35, ergl. 2(z)(ii)

Gwybodaeth Cychwyn

- I2** A. 172 ddim mewn grym ar y Cydsyniad Brenhinol, gweler **a. 194(2)**
- I3** A. 172 mewn grym ar 25.1.2018 gan O.S. 2018/33, **ergl. 2(i)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

PENNOD 2

ADOLYGIADAU

173 Gofyn am adolygiad

- (1) Rhaid gwneud cais i adolygu penderfyniad apeliadwy drwy roi hysbysiad (“hysbysiad am gais”) i ACC.
- (2) Rhaid i hysbysiad am gais nodi’r sail ar gyfer yr adolygiad.
- (3) Ond ni chaiff person roi hysbysiad am gais os yw is-adran (4), (5) neu (6) yn gymwys.
- (4) Mae’r is-adran hon yn gymwys—
 - (a) os penderfyniad i ddiwygio ffurflen dreth y person o dan adran 45 tra bo ymholiad yn mynd rhagddo yw’r penderfyniad y mae’r person yn dymuno i ACC ei adolygu, a
 - (b) os nad yw’r ymholiad wedi ei gwblhau hyd yma.
- (5) Mae’r is-adran hon yn gymwys pan fo’r person wedi apelio i’r tribiwnlys yn erbyn y penderfyniad ac nad yw’r apêl wedi ei thynnu’n ôl.
- (6) Mae’r is-adran hon yn gymwys—
 - (a) pan fo’r person wedi ymrwymo i gytundeb setlo mewn perthynas â’r penderfyniad y mae’r person yn dymuno i ACC ei adolygu, a
 - (b) pan na fo’r person wedi rhoi hysbysiad tynnu’n ôl o’r cytundeb o dan adran 184(4).
- (7) Nid yw’r adran hon yn rhwystro ymdrin â phenderfyniad apeliadwy yn unol ag adran 184.

Gwybodaeth Cychwyn

- I4** A. 173 ddim mewn grym ar y Cydsyniad Brenhinol, gweler **a. 194(2)**
I5 A. 173 mewn grym ar 25.1.2018 gan **O.S. 2018/33**, **ergl. 2(i)**

174 Terfyn amser ar gyfer gofyn am adolygiad

- (1) Pan roddir hysbysiad am gais i ACC cyn diwedd y cyfnod perthnasol, rhaid i ACC adolygu’r penderfyniad y mae’r hysbysiad yn ymwneud ag ef.
- (2) Yn ddarostyngedig i is-adran (3), y cyfnod perthnasol yw—
 - (a) pan fo’r cais yn ymwneud â phenderfyniad i ddiwygio ffurflen dreth y person o dan adran 45 tra bo ymholiad yn mynd rhagddo, y cyfnod o 30 o ddiwrnodau sy’n dechrau â’r diwrnod y mae ACC yn dyroddi hysbysiad cau sy’n hysbysu’r person fod yr ymholiad wedi ei gwblhau;
 - (b) pan fo’r cais yn ymwneud â phenderfyniad o unrhyw fath arall, y cyfnod o 30 o ddiwrnodau sy’n dechrau â’r diwrnod y mae ACC yn dyroddi’r hysbysiad sy’n hysbysu’r person am y penderfyniad.
- (3) Pan fo’r person—
 - (a) wedi ymrwymo i gytundeb setlo mewn cysylltiad â’r penderfyniad y mae’r cais yn ymwneud ag ef, ond

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

- (b) wedi rhoi hysbysiad wedi hynny ei fod yn tynnu'n ôl o'r cytundeb o dan adran 184(4),
- y cyfnod perthnasol yw'r cyfnod o 30 o ddiwrnodau sy'n dechrau â'r diwrnod y dyroddir yr hysbysiad tynnu'n ôl.

Gwybodaeth Cychwyn

16 A. 174 ddim mewn grym ar y Cydsyniad Brenhinol, gweler **a. 194(2)**

17 A. 174 mewn grym ar 25.1.2018 gan O.S. 2018/33, **ergl. 2(i)**

175 Cais hwyr am adolygiad

- (1) Pan fo person yn rhoi hysbysiad am gais i ACC ar ôl y cyfnod perthnasol—
- (a) caiff ACC adolygu'r penderfyniad y mae'r hysbysiad yn ymwneud ag ef, a
- (b) rhaid iddo wneud hynny os yw'n fodlon—
- (i) bod gan y person esgus rhesymol dros beidio â'i roi yn ystod y cyfnod perthnasol, a
- (ii) ei fod wedi ei roi i ACC wedyn heb oedi afresymol.
- (2) Rhaid i ACC ddyroddi hysbysiad i'r person yn datgan a fydd yn adolygu'r penderfyniad ai peidio.
- (3) Pan fo ACC yn dyroddi hysbysiad yn datgan na fydd yn adolygu'r penderfyniad, caiff y person wneud cais i'r tribiwnlys am gyfarwyddyd sy'n ei gwneud yn ofynnol i ACC gynnal yr adolygiad.
- (4) Caiff y tribiwnlys roi cyfarwyddyd o'r fath, a rhaid iddo wneud hynny os yw'n fodlon—
- (a) bod gan y ceisydd esgus rhesymol dros beidio â rhoi hysbysiad am y cais i ACC yn ystod y cyfnod perthnasol,
- (b) ei fod wedi ei roi i ACC wedyn heb oedi afresymol, ac yna
- (c) ei fod wedi gwneud cais i'r tribiwnlys heb oedi afresymol.
- (5) Yn yr adran hon, mae i "y cyfnod perthnasol" yr un ystyr ag yn adran 174.

Gwybodaeth Cychwyn

18 A. 175 ddim mewn grym ar y Cydsyniad Brenhinol, gweler **a. 194(2)**

19 A. 175 mewn grym ar 25.1.2018 gan O.S. 2018/33, **ergl. 2(i)**

176 Cynnal adolygiad

- (1) Mae natur a chwmpas yr adolygiad i fod fel ag y maent yn ymddangos yn briodol i ACC o dan yr amgylchiadau.
- (2) At ddiben is-adran (1), rhaid i ACC, yn benodol, roi sylw i gamau a gymerwyd cyn dechrau'r adolygiad—
- (a) gan ACC wrth ddod i'r penderfyniad, a
- (b) gan unrhyw berson wrth geisio datrys anghytundeb ynghylch y penderfyniad.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

- (3) Rhaid i'r adolygiad ystyried unrhyw sylwadau a wneir neu a wnaed gan y person a roddodd yr hysbysiad am gais ar adeg sy'n rhoi cyfle rhesymol i ACC eu hystyried.
- (4) Caiff yr adolygiad ddod i'r casgliad bod penderfyniad ACC—
 - (a) i'w gadarnhau,
 - (b) i'w amrywio, neu
 - (c) i'w ganslo.
- (5) Rhaid i ACC ddyroddi hysbysiad am gasgliadau'r adolygiad i'r person a roddodd yr hysbysiad am gais—
 - (a) o fewn y cyfnod o 45 o ddiwrnodau sy'n dechrau â'r diwrnod y derbyniodd ACC yr hysbysiad am gais, neu
 - (b) o fewn unrhyw gyfnod arall y bydd ACC a'r person yn cytuno arno.
- (6) Pan fo'r tribiwnlys yn cyfarwyddo ACC i gynnal adolygiad, rhaid i ACC ddyroddi hysbysiad am gasgliadau'r adolygiad—
 - (a) o fewn y cyfnod o 45 o ddiwrnodau sy'n dechrau â'r diwrnod y rhoddodd y tribiwnlys y cyfarwyddyd, neu
 - (b) o fewn unrhyw gyfnod arall y bydd ACC a'r person yn cytuno arno.
- (7) Os yw ACC yn methu â dyroddi hysbysiad yn unol ag is-adran (5) neu (6)—
 - (a) bernir bod yr adolygiad wedi dod i'r casgliad bod penderfyniad ACC i'w gadarnhau, a
 - (b) rhaid i ACC ddyroddi hysbysiad i'r perwyl hwnnw i'r person a roddodd yr hysbysiad am gais.

Gwybodaeth Cychwyn

II0 A. 176 ddim mewn grym ar y Cydsyniad Brenhinol, gweler **a. 194(2)**

III A. 176 mewn grym ar 25.1.2018 gan O.S. 2018/33, **ergl. 2(i)**

177 Effaith casgliadau adolygiad

- (1) Pan fo ACC yn dyroddi hysbysiad o dan adran 176(5), (6) neu (7) mewn perthynas ag adolygiad—
 - (a) mae'r casgliadau yn yr hysbysiad i'w trin fel pe bai'r tribiwnlys wedi dyfarnu apêl yn erbyn y penderfyniad y mae'r hysbysiad yn ymwneud ag ef yn y modd a nodir yn y casgliadau, ond
 - (b) nid yw'r casgliadau i'w trin fel penderfyniad gan y tribiwnlys at ddibenion adrannau 9 i 13 o **Ddeddf Tribiwnlysoedd, Llysoedd a Gorfodaeth 2007 (p. 15)** (adolygu penderfyniadau ac apelau yn erbyn penderfyniadau).
- (2) Ond nid yw is-adran (1) yn gymwys os yw'r canlynol yn berthnasol, neu i'r graddau y mae'r canlynol yn berthnasol—
 - (a) bod ACC a'r person yn ymrwymo wedi hynny i gytundeb setlo mewn perthynas â'r penderfyniad y mae'r hysbysiad yn ymwneud ag ef, neu
 - (b) bod y tribiwnlys yn dyfarnu wedi hynny ar apêl yn erbyn y penderfyniad y mae'r hysbysiad yn ymwneud ag ef.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

Gwybodaeth Cychwyn

I12 A. 177 ddim mewn grym ar y Cydsyniad Brenhinol, gweler **a. 194(2)**

I13 A. 177 mewn grym ar 25.1.2018 gan O.S. 2018/33, **ergl. 2(i)**

PENNOD 3

APELAU

178 Gwneud apêl

- (1) Rhaid gwneud apêl yn erbyn penderfyniad apeliadwy i'r tribiwnlys.
- (2) Ond ni chaiff person wneud apêl i'r tribiwnlys os yw is-adran (3), (4) neu (5) yn gymwys.
- (3) Mae'r is-adran hon yn gymwys—
 - (a) os penderfyniad ACC i ddiwygio ffurflen dreth y person o dan adran 45 tra bo ymholiad yn mynd rhagddo yw'r penderfyniad y mae'r person yn dymuno apelio yn ei erbyn, a
 - (b) os nad yw'r ymholiad wedi ei gwblhau hyd yma.
- (4) Mae'r is-adran hon yn gymwys—
 - (a) pan fo'r person wedi rhoi hysbysiad am gais i ACC o dan adran 173 am adolygiad o'r penderfyniad y mae'r person yn dymuno apelio yn ei erbyn, a
 - (b) pan nad yw'r cyfnod y mae'n rhaid i ACC ddyroddi hysbysiad am gasgliadau'r adolygiad oddi fewn iddo o dan adran 176(5) wedi dod i ben hyd yma.
- (5) Mae'r is-adran hon yn gymwys—
 - (a) pan fo'r person wedi ymrwymo i gytundeb setlo mewn perthynas â'r penderfyniad y mae'r person yn dymuno apelio yn ei erbyn, a
 - (b) pan na fo'r person wedi rhoi hysbysiad tynnu'n ôl o'r cytundeb o dan adran 184(4).
- (6) Nid yw'r adran hon yn rhwystro ymdrin â phenderfyniad apeliadwy yn unol ag adran 184.

Gwybodaeth Cychwyn

I14 A. 178 ddim mewn grym ar y Cydsyniad Brenhinol, gweler **a. 194(2)**

I15 A. 178 mewn grym ar 25.1.2018 gan O.S. 2018/33, **ergl. 2(i)**

179 Terfyn amser ar gyfer gwneud apêl

- (1) Rhaid i apêl gael ei gwneud i'r tribiwnlys cyn diwedd y cyfnod perthnasol.
- (2) Yn ddarostyngedig i is-adrannau (3) a (4), y cyfnod perthnasol yw—
 - (a) pan fo'r apêl yn ymwneud â phenderfyniad i ddiwygio ffurflen dreth yr apelai o dan adran 45 tra bo ymholiad yn mynd rhagddo, y cyfnod o 30 o

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

ddiwrnodau sy'n dechrau â'r diwrnod y mae ACC yn dyroddi hysbysiad cau sy'n hysbysu'r apelai fod yr ymholiad wedi ei gwblhau;

- (b) pan fo'r apêl yn ymwneud â phenderfyniad o unrhyw fath arall, y cyfnod o 30 o ddiwrnodau sy'n dechrau â'r diwrnod y mae ACC yn dyroddi'r hysbysiad sy'n hysbysu'r apelai am y penderfyniad.
- (3) Yn ddarostyngedig i is-adran (4), pan fo ACC wedi adolygu'r penderfyniad y mae'r apêl yn ymwneud ag ef, y cyfnod perthnasol yw'r cyfnod o 30 o ddiwrnodau sy'n dechrau â'r diwrnod y dyroddir hysbysiad i'r apelai o dan adran 176(5), (6) neu (7) mewn perthynas â'r adolygiad.
- (4) Pan fo'r apelai wedi ymrwmo i gytundeb setlo mewn perthynas â'r penderfyniad y mae'r apêl yn ymwneud ag ef ond ei fod wedi rhoi hysbysiad wedi hynny ei fod yn tynnu'n ôl o'r cytundeb o dan adran 184(4), y cyfnod perthnasol yw—
- (a) y cyfnod o 30 o ddiwrnodau sy'n dechrau â'r diwrnod y dyroddir yr hysbysiad tynnu'n ôl, neu
- (b) os yw'n hwyrach, y cyfnod perthnasol sy'n gymwys o dan is-adran (3).

Gwybodaeth Cychwyn

I16 A. 179 ddim mewn grym ar y Cydsyniad Brenhinol, gweler [a. 194\(2\)](#)

I17 A. 179 mewn grym ar 25.1.2018 gan [O.S. 2018/33](#), [ergl. 2\(i\)](#)

180 Gwneud apêl yn hwyr

- (1) Caniateir gwneud apêl i'r tribiwnlys ar ôl y cyfnod perthnasol os yw'r tribiwnlys yn rhoi caniatâd.
- (2) Yn yr adran hon, mae i "y cyfnod perthnasol" yr un ystyr ag yn adran 179.

Gwybodaeth Cychwyn

I18 A. 180 ddim mewn grym ar y Cydsyniad Brenhinol, gweler [a. 194\(2\)](#)

I19 A. 180 mewn grym ar 25.1.2018 gan [O.S. 2018/33](#), [ergl. 2\(i\)](#)

181 Dyfarnu ar apêl

- (1) Os gwneir apêl yn erbyn penderfyniad apeliadwy i'r tribiwnlys yn unol ag adran 179 neu 180 (ac nad yw'n cael ei thynnu'n ôl), rhaid i'r tribiwnlys ddyfarnu'r apêl.
- (2) Caiff y tribiwnlys ddyfarnu bod y penderfyniad apeliadwy—
- (a) i'w gadarnhau,
- (b) i'w amrywio, neu
- (c) i'w ganslo.

Gwybodaeth Cychwyn

I20 A. 181 ddim mewn grym ar y Cydsyniad Brenhinol, gweler [a. 194\(2\)](#)

I21 A. 181 mewn grym ar 25.1.2018 gan [O.S. 2018/33](#), [ergl. 2\(i\)](#)

[^{F8}PENNOD 3A

TALU AC ADENNILL TRETH DDATGANOLEDIG [^{F9}ETC] SY'N DESTUN ADOLYGIAD NEU APÊL

Diwygiadau Testunol

- F8** Rhn. 8 Pnd. 3A wedi ei fewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1, a. 81(2)(3), **Atod. 23 para. 63**; O.S. 2018/34, ergl. 3
- F9** Gair yn Rhn. 8 Pnd. 3A pennawd wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 44**

181A Nid yw adolygiad neu apêl i effeithio ar y gofyniad i dalu

Nid yw'r ffaith fod person y mae penderfyniad apeliadwy yn gymwys iddo—

- wedi gwneud cais am adolygiad o'r penderfyniad, neu
- wedi apelio yn ei erbyn,

yn effeithio ar unrhyw ofyniad ar y person i dalu swm o dreth ddatganoledig (a llog ar y swm hwnnw).

181B Ceisiadau i ohirio

(1) Mae'r adran hon yn gymwys pan fo person—

- yn rhoi hysbysiad am gais i adolygu penderfyniad apeliadwy, neu
- yn gwneud apêl yn erbyn penderfyniad o'r fath.

(2) Os yw'r person yn credu bod swm gormodol o dreth ddatganoledig wedi ei godi ar y person o ganlyniad i'r penderfyniad, caiff y person wneud cais i ACC ohirio adennill y swm o dreth ddatganoledig y mae'r person yn credu ei fod yn ormodol (a llog ar y swm hwnnw) (“cais i ohirio”).

(3) Rhaid i gais i ohirio bennu—

- y swm o dreth ddatganoledig y gwneir y cais mewn cysylltiad ag ef, ^{F10}...
- y rhesymau pam fod y person sy'n gwneud y cais yn credu bod y swm yn ormodol [^{F11}, ac
- pan fo'r cais yn ymwneud â swm o dreth gwarediadau tirlenwi, y rhesymau pam y mae'r person sy'n gwneud y cais yn credu y byddai adennill y swm (a llog ar y swm hwnnw) yn achosi caledi ariannol i'r person.]

(4) Os yw ACC

- [^{F12}(a)] yn credu bod gan y person sy'n gwneud y cais i ohirio seiliau rhesymol dros gredu bod y swm o dreth ddatganoledig y mae'r cais yn ymwneud ag ef yn ormodol, [^{F13} a
- pan fo'r cais yn ymwneud â swm o dreth gwarediadau tirlenwi, â rheswm i gredu y byddai adennill y swm (a llog ar y swm hwnnw) yn achosi caledi ariannol i'r person,]

caiff ACC ganiatáu'r cais i ohirio.

(5) Os yw ACC

- [^{F14}(a)] yn credu mai dim ond mewn perthynas â rhan o'r swm y mae gan y person seiliau rhesymol dros gredu bod y swm yn ormodol, [^{F15}neu

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

- (b) pan fo’r cais yn ymwneud â swm o dreth gwarediadau tirlenwi, â rheswm i gredu mai dim ond mewn cysylltiad â rhan o’r swm (a llog ar y rhan honno) y byddai adennill yn achosi caledi ariannol i’r person, caiff ACC ganiatáu’r cais mewn cysylltiad ag unrhyw ran o’r swm sy’n briodol yn ei farn.]
- (6) Caiff ACC gymeradwyo’r cais i ohirio (yn llwyr neu’n rhannol) yn amodol ar ddarparu sicrhad digonol.
- (7) Rhaid i ACC ddyroddi hysbysiad o’i benderfyniad i’r person a wnaeth y cais i ohirio.

Diwygiadau Testunol

- F10** Gair yn a. 181B(3) wedi ei hepgor (1.4.2018) yn rhinwedd [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(2)(a)**, 97(2); O.S. 2018/35, ergl. 3
- F11** A. 181B(3)(c) ac gair wedi ei fewnosod (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(2)(b)**, 97(2); O.S. 2018/35, ergl. 3
- F12** Geiriau yn a. 181B(4) wedi ei ailrifo fel a. 181B(4)(a) (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(3)(a)**, 97(2); O.S. 2018/35, ergl. 3
- F13** A. 181B(4)(b) ac gair wedi ei fewnosod (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(3)(b)**, 97(2); O.S. 2018/35, ergl. 3
- F14** Geiriau yn a. 181B(5) wedi ei ailrifo fel a. 181B(5)(a) (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(4)(a)**, 97(2); O.S. 2018/35, ergl. 3
- F15** A. 181B(5)(b) wedi ei amnewid (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), **aa. 44(4)(b)**, 97(2); O.S. 2018/35, ergl. 3

181C Terfyn amser ar gyfer gwneud cais i ohirio

- (1) Rhaid gwneud cais i ohirio sy’n gysylltiedig ag adolygiad drwy roi hysbysiad o’r cais i ACC cyn diwedd y cyfnod a bennir yn adran 174 ar gyfer gofyn am yr adolygiad.
- (2) Ond os gwneir cais hwyr am adolygiad o dan adran 175, rhaid gwneud y cais i ohirio yr un pryd â’r cais hwyr.
- (3) Rhaid gwneud cais i ohirio sy’n gysylltiedig ag apêl drwy roi hysbysiad i ACC cyn diwedd y cyfnod a bennir yn adran 179 ar gyfer gwneud yr apêl.
- (4) Ond os yw’r tribiwnlys yn rhoi caniatâd i wneud apêl hwyr o dan adran 180, rhaid gwneud y cais i ohirio yr un pryd ag y ceisir caniatâd ar gyfer yr apêl hwyr.
- (5) Mae is-adrannau (1) a (3) yn ddarostyngedig i adran 181D.

181D Cais hwyr i ohirio

- (1) Pan fo person—
- (a) yn gwneud cais am adolygiad cyn diwedd y cyfnod a bennir yn adran 174, a
- (b) yn gwneud cais i ohirio sy’n gysylltiedig â’r adolygiad ar ôl diwedd y cyfnod hwnnw,
- ni chaiff ACC ystyried y cais i ohirio onid yw’n fodlon bod yr amodau yn is-adran (3) wedi eu bodloni.
- (2) Pan fo person—
- (a) yn gwneud apêl cyn diwedd y cyfnod a bennir yn adran 179, a

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

(b) yn gwneud cais i ohirio sy'n gysylltiedig â'r apêl ar ôl diwedd y cyfnod hwnnw,
ni chaiff ACC ystyried y cais i ohirio onid yw'n fodlon bod yr amodau yn is-adran (3) wedi eu bodloni.

(3) Yr amodau yw—

- (a) bod gan y person sy'n gwneud y cais i ohirio esgus rhesymol dros beidio â gwneud y cais yn ystod y cyfnod a bennir yn adran 174 neu 179, yn ôl y digwydd, a
- (b) wedi hynny, bod y person sy'n gwneud y cais i ohirio wedi gwneud y cais heb oedi afresymol.

181E Cais am adolygiad tribiwnlys o benderfyniad ar gais i ohirio

- (1) Caiff person sy'n gwneud cais i ohirio, o fewn y cyfnod o 30 o ddiwrnodau sy'n dechrau â'r dyddiad y mae ACC yn dyroddi'r hysbysiad o'i benderfyniad ynglŷn â'r cais, wneud cais i'r tribiwnlys am adolygiad o benderfyniad ACC.
- (2) Caiff y tribiwnlys ddyfarnu bod penderfyniad ACC—
 - (a) i'w gadarnhau,
 - (b) i'w ganslo, neu
 - (c) i'w ddisodli â phenderfyniad arall y gallai ACC fod wedi ei wneud.

181F Amrywio ar ôl caniatáu cais i ohirio

- (1) Mae'r adran hon yn gymwys pan fo—
 - (a) ACC neu'r tribiwnlys wedi caniatáu cais i ohirio,
 - (b) newid mewn amgylchiadau wedi hynny, ac
 - (c) o ganlyniad i'r newid hwnnw, naill ai ACC neu'r person a wnaeth y cais yn credu—
 - (i) y dylid amrywio'r swm o dreth ddatganoledig y caniatawyd y cais mewn cysylltiad ef;
 - (ii) pan fo caniatáu'r cais yn amodol ar ddarparu sicrhad digonol, y dylid amrywio'r amod.
- (2) Caiff y naill barti neu'r llall geisio cytundeb ei gilydd drwy ddyroddi hysbysiad sy'n pennu'r amrywiad arfaethedig i'r parti arall.
- (3) Os ceir cytundeb, rhaid i ACC ddyroddi hysbysiad sy'n cadarnhau'r amrywiad i'r person.
- (4) Mae'r amrywiad yn cael effaith o'r dyddiad y mae ACC yn dyroddi'r hysbysiad o dan is-adran (3).
- (5) Os na cheir cytundeb o fewn y cyfnod o 21 o ddiwrnodau sy'n dechrau â'r dyddiad y dyroddir yr hysbysiad o dan is-adran (2), caiff y naill barti neu'r llall wneud cais i'r tribiwnlys am ddyfarniad.
- (6) Caiff y tribiwnlys ddyfarnu ar gais o'r fath drwy—
 - (a) cadarnhau'r amrywiad arfaethedig,
 - (b) gwrthod yr amrywiad arfaethedig, neu
 - (c) gwneud unrhyw amrywiad arall sy'n briodol ym marn y tribiwnlys.

181G Effaith gohirio

- (1) Ni chaiff ACC gymryd unrhyw gamau i adennill swm gohiriedig yn ystod y cyfnod gohirio.
- (2) Ystyr swm gohiriedig yw—
 - (a) swm o dreth ddatganoledig a bennir mewn cais i ohirio (oni bai bod y cais yn gais hwyr a wneir yn unol ag adran 181C(2) neu (4) neu adran 181D), neu
 - (b) swm o dreth ddatganoledig y mae ACC neu’r tribiwnlys yn caniatáu cais i ohirio mewn cysylltiad ag ef.
- (3) Yn achos swm gohiriedig sydd o fewn is-adran (2)(a), mae’r cyfnod gohirio ar gyfer y swm—
 - (a) yn dechrau â’r diwrnod y gwneir y cais i ohirio, a
 - (b) yn dod i ben—
 - (i) os caniateir y cais, â’r diwrnod y’i caniateir,
 - (ii) os na chaniateir y cais ac os na wneir cais i’r tribiwnlys am adolygiad o’r penderfyniad hwnnw, â’r diwrnod cyntaf ar ôl diwedd y cyfnod ar gyfer gwneud cais o’r fath, neu
 - (iii) os na chaniateir y cais ac y gwneir cais i’r tribiwnlys am adolygiad o’r penderfyniad hwnnw, â’r diwrnod y mae’r tribiwnlys yn gwneud ei ddyfarniad.
- (4) Yn achos swm gohiriedig sydd o fewn is-adran (2)(b) mae’r cyfnod gohirio ar gyfer y swm—
 - (a) yn dechrau â’r dyddiad y mae ACC neu’r tribiwnlys yn caniatáu’r cais i ohirio, a
 - (b) yn dod i ben—
 - (i) os gwnaed y cais i ohirio mewn cysylltiad ag adolygiad o benderfyniad apeliadwy, â’r diwrnod y mae ACC yn dyroddi hysbysiad o gasgliadau’r adolygiad, neu
 - (ii) os gwnaed y cais i ohirio mewn cysylltiad ag apêl yn erbyn penderfyniad apeliadwy, â’r diwrnod y mae’r tribiwnlys yn dyfarnu’r apêl.
- (5) Pan gaiff swm gohiriedig sydd o fewn is-adran (2)(b) ei amrywio o dan adran 181F, mae’r swm a amrywiwyd i’w drin fel y swm gohiriedig o ddyddiad yr amrywiad.
- (6) Yn yr adran hon, mae cyfeiriadau at ganiatáu cais i ohirio yn cynnwys achosion pan gaiff y cais ei ganiatáu’n rhannol.

181H Ceisiadau i ohirio sy’n ymwneud ag apelau pellach

- (1) Pan fo person yn gwneud (yn unol â DTLIG) apêl bellach yn erbyn dyfarniad y tribiwnlys ar apêl yn erbyn penderfyniad apeliadwy, mae adrannau 181B, 181C, 181E, 181F a 181G yn gymwys i’r apêl bellach fel y maent yn gymwys i apêl, ond fel pe bai’r addasiadau a ganlyn wedi eu gwneud.
- (2) Mae adran 181B yn cael effaith fel pe bai’r canlynol wedi ei roi yn lle is-adrannau (3), (4) a (5)—
 - “(3) Rhaid i gais i ohirio bennu—
 - (a) y swm o dreth ddatganoledig y gwneir y cais mewn cysylltiad ag ef,

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

- (b) y rhesymau pam fod y person sy’n gwneud y cais o’r farn fod y swm yn ormodol, a
 - (c) y rhesymau pam fod y person o’r farn y byddai adennill y swm (a llog ar y swm) yn achosi caledi ariannol difrifol i’r person.
- (4) Os yw ACC—
- (a) yn credu bod gan y person sy’n gwneud y cais i ohirio seiliau rhesymol dros gredu bod y swm o dreth ddatganoledig y mae’r cais yn ymwneud ag ef yn ormodol, a
 - (b) â rheswm i gredu y byddai adennill y swm (a llog ar y swm) yn achosi caledi ariannol difrifol i’r person,
- caiff ACC ganiatáu’r cais.
- (5) Ond os yw ACC—
- (a) yn credu mai dim ond mewn cysylltiad â rhan o’r swm y mae gan y person seiliau rhesymol dros gredu bod y swm yn ormodol, neu
 - (b) â rheswm i gredu mai dim ond mewn cysylltiad â rhan o’r swm (a llog ar y rhan honno) y byddai adennill yn achosi caledi ariannol difrifol i’r person,
- caiff ACC ganiatáu’r cais mewn cysylltiad ag unrhyw ran o’r swm sy’n briodol yn ei farn.”
- (3) Mae adran 181C yn cael effaith fel pe bai—
- (a) yn is-adran (3), “ar y diwrnod y gwneir yr apêl bellach neu cyn hynny” wedi ei roi yn lle “cyn diwedd y cyfnod a bennir yn adran 179 ar gyfer gwneud yr apêl”, a
 - (b) is-adran (4) wedi ei hepgor.
- (4) Mae adran 181F yn cael effaith fel pe bai’r canlynol wedi ei roi yn lle paragraff (a) yn is-adran (1)—
- “(a) cais i ohirio wedi ei ganiatáu gan—
- (i) yr Uwch Dribiwnlys pan fo’r cais yn ymwneud ag apêl bellach a wneir o dan adran 11 o DTLIG, neu
 - (ii) y llys apeliadol perthnasol a bennir o dan is-adran (11) o adran 13 o DTLIG pan fo’r cais yn ymwneud ag apêl bellach a wneir o dan yr adran honno.”
- (5) Mae adran 181G yn cael effaith fel pe bai—
- (a) yn is-adran (2)(a) y geiriau “(oni bai bod y cais yn gais hwyr a wneir yn unol ag adran 181C(2) neu (4) neu adran 181D)” wedi eu hepgor, a
 - (b) y canlynol wedi ei roi yn lle is-adran (4)(b)—
- “(b) yn dod i ben ar y diwrnod y dyfernir yr apêl bellach.”
- (6) Mae’r cyfeiriadau at “y tribiwnlys” yn adrannau 181E(1) a (2), 181F(5) a (6) a 181G(2), (3) a (4) i’w darllen fel cyfeiriadau at—
- (a) yr Uwch Dribiwnlys mewn achos pan wneir yr apêl bellach o dan adran 11 o DTLIG, neu
 - (b) y llys apeliadol perthnasol a bennir o dan is-adran (11) o adran 13 o DTLIG mewn achos pan wneir yr apêl bellach o dan yr adran honno.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

181I Dim apêl bellach nac adolygiad o benderfyniadau tribiwnlys sy'n ymwneud â cheisiadau i ohirio

(1) Yn adran 11(5) o DTLIG (penderfyniadau a eithrir o'r hawl i apelio i'r Uwch Dribiwnlys), ar ôl paragraff (cb) (fel y'i mewnosodir gan adran 116(1) o'r Ddeddf hon) mewnosoder—

“(cc) any decision of the First-tier Tribunal under section 181E or 181F of that Act (appeals relating to postponement requests),”.

(2) Yn adran 13(8) o DTLIG (penderfyniadau a eithrir o'r hawl i apelio i Lys Apêl etc.), ar ôl paragraff (bb) (fel y'i mewnosodir gan adran 116(2) o'r Ddeddf hon) mewnosoder—

“(bc) any decision of the Upper Tribunal under section 181E or 181F of that Act (appeals relating to postponement requests),”.]

[^{F16}181J.Cymhwyso'r Bennod hon i symiau sy'n daladwy mewn cysylltiad â chredyd treth

(1) Mae'r Bennod hon yn gymwys i dalu ac adennill symiau sy'n ymwneud â chredydau treth—

- fel pe bai cyfeiriadau at swm o dreth ddatganoledig (gan gynnwys symiau o dreth gwarediadau tirlenwi) yn gyfeiriadau at swm sy'n daladwy mewn cysylltiad â chredyd treth,
- fel pe bai cyfeiriadau at log ar swm o dreth ddatganoledig yn gyfeiriadau at log ar swm sy'n daladwy mewn cysylltiad â chredyd treth, ac
- fel pe bai cyfeiriadau at dreth ddatganoledig yn cael ei chodi neu i'w chodi ar berson yn gyfeiriadau at swm sy'n daladwy gan berson mewn cysylltiad â chredyd treth.]

Diwygiadau Testunol

F16 A. 181J wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 45**

PENNOD 4

AMRYWIOL AC ATODOL

Canlyniadau adolygiadau ac apelau

182 Talu cosbau yn achos adolygiad neu apêl

(1) Mae'r adran hon yn gymwys i benderfyniad sy'n ymwneud â chosb y gallai person fod yn agored iddi.

(2) Pan fo ACC yn cynnal adolygiad mewn cysylltiad â'r penderfyniad, nid yw [^{F17}dyddiad talu arferol y gosb] yn gymwys i unrhyw swm o gosb y mae anghydfod yn ei gylch (“swm y mae anghydfod yn ei gylch”).

(3) Pan fo'r adolygiad yn dod i'r casgliad bod swm y mae anghydfod yn ei gylch yn daladwy, rhaid i'r person dalu'r swm hwnnw cyn diwedd y cyfnod o 30 o ddiwrnodau

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

sy'n dechrau â'r diwrnod y dyroddir hysbysiad i'r person o dan adran 176(5) [F18, (6)] neu (7) mewn perthynas â'r adolygiad; ond mae hyn yn ddarostyngedig i is-adran (4).

- (4) Pan fo'r person yn gwneud apêl mewn cysylltiad â'r penderfyniad—
- nid yw [F19] dyddiad talu arferol y gosb] yn gymwys i unrhyw swm y mae anghydfod yn ei gylch, a
 - nid yw is-adran (3) yn gymwys.
- (5) Pan fo'r apêl yn cael ei thynnu'n ôl, rhaid i'r person dalu—
- unrhyw swm y mae anghydfod yn ei gylch, os nad yw'r penderfyniad wedi ei adolygu, neu
 - os yw'r penderfyniad wedi ei adolygu, unrhyw swm y mae anghydfod yn ei gylch y daeth yr adolygiad i'r casgliad ei fod yn daladwy,
- cyn diwedd y cyfnod o 30 o ddiwrnodau sy'n dechrau â'r diwrnod tynnu'n ôl.
- (6) Pan ddyfernir yn derfynol, o ganlyniad i'r apêl, fod swm y mae anghydfod yn ei gylch yn daladwy, rhaid i'r person dalu'r swm hwnnw cyn diwedd y cyfnod o 30 o ddiwrnodau sy'n dechrau â'r diwrnod y dyfernir yn derfynol ar yr apêl.
- [F20] (7) Yn yr adran hon, ystyr “dyddiad talu arferol y gosb” yw'r dyddiad erbyn pryd y mae'n rhaid talu cosb o dan—
- adran 154, neu
 - adran 70 o DTGT.]

Diwygiadau Testunol

- F17** Geiriau yn a. 182(2) wedi eu hamnewid (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), a. 97(2), **Atod. 4 para. 17(a)**; O.S. 2018/35, ergl. 3
- F18** Gair yn a. 182(3) wedi ei fewnosod (25.1.2018) gan [Deddf Treth Trafodiadau Tir a Gwrthweithio Osgoi Trethi Datganoledig \(Cymru\) 2017 \(anaw 1\)](#), a. 81(2)(3), **Atod. 23 para. 64**; O.S. 2018/34, ergl. 2(b)(iv)
- F19** Geiriau yn a. 182(4)(a) wedi eu hamnewid (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), a. 97(2), **Atod. 4 para. 17(b)**; O.S. 2018/35, ergl. 3
- F20** A. 182(7) wedi ei fewnosod (1.4.2018) gan [Deddf Treth Gwarediadau Tirlenwi \(Cymru\) 2017 \(anaw 3\)](#), a. 97(2), **Atod. 4 para. 17(c)**; O.S. 2018/35, ergl. 3

Gwybodaeth Cychwyn

- I22** A. 182 ddim mewn grym ar y Cydsyniad Brenhinol, gweler **a. 194(2)**
- I23** A. 182 mewn grym ar 25.1.2018 gan [O.S. 2018/33](#), **ergl. 2(i)**

183 Penderfynu ar adolygiadau ac apelau mewn cysylltiad â hysbysiadau gwybodaeth

- (1) Pan fo casgliadau adolygiad o dan adran 176 yn cadarnhau neu'n amrywio penderfyniad i ddyroddi hysbysiad gwybodaeth neu ofyniad mewn hysbysiad o'r fath, rhaid i'r person y dyroddwyd yr hysbysiad iddo gydymffurfio â'r hysbysiad neu'r gofyniad (fel y'i cadarnhawyd neu y'i hamrywiwyd) o fewn unrhyw gyfnod a bennir gan ACC.
- (2) Pan fo'r tribiwnlys yn cadarnhau neu'n amrywio penderfyniad i ddyroddi hysbysiad gwybodaeth neu gynnwys gofyniad mewn hysbysiad o'r fath, rhaid i'r person y

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

dyroddwyd yr hysbysiad iddo gydymffurfio â'r hysbysiad neu'r gofyniad (fel y'i cadarnhawyd neu y'i hamrywiwyd)—

- (a) o fewn y cyfnod a bennir gan y tribiwnlys, neu
- (b) os nad yw'r tribiwnlys yn pennu cyfnod, o fewn unrhyw gyfnod a bennir gan ACC.

Gwybodaeth Cychwyn

I24 A. 183 ddim mewn grym ar y Cydsyniad Brenhinol, gweler **a. 194(2)**

I25 A. 183 mewn grym ar 25.1.2018 gan O.S. 2018/33, **ergl. 2(i)**

[^{F21}183A] Atal ad-daliad pan fo apêl bellach yn yr arfaeth

- (1) Mae'r adran hon yn gymwys pan fo—
 - (a) ar apêl yn erbyn penderfyniad apeliadwy, y tribiwnlys yn dyfarnu
 - [bod ACC i ad-dalu swm o dreth ddatganoledig a dalwyd gan berson, ^{F22}(i)] [^{F23}neu
 - (ii) bod swm a dalwyd gan berson mewn cysylltiad â chredyd treth i'w ad-dalu gan ACC,]
 - (b) ACC yn gwneud cais o dan adran 11(4) neu 13(4) o DTLIG am ganiatâd i wneud apêl bellach.
- (2) Wrth wneud cais am ganiatâd caiff ACC ofyn am ganiatâd y tribiwnlys i ohirio ad-dalu'r swm hyd—
 - (a) y dyfernir ar yr apêl bellach, neu
 - (b) y mae ACC yn cael sicrhad digonol ar gyfer y swm.
- (3) Rhaid i'r tribiwnlys neu'r llys perthnasol ganiatáu cais ACC—
 - (a) os yw'n rhoi caniatâd i'r apêl bellach gael ei chynnal, a
 - (b) os yw'n credu bod angen caniatáu'r cais er mwyn diogelu'r refeniw.
- (4) Os na roddir caniatâd i wneud apêl bellach—
 - (a) gan Dribiwnlys yr Haen Gyntaf yn dilyn cais o dan adran 11(4)(a) o DTLIG, neu
 - (b) gan yr Uwch Dribiwnlys yn dilyn cais o dan adran 13(4)(a) o'r Ddeddf honno, nid yw'r ffaith fod ACC wedi gwneud cais o dan is-adran (2) wrth wneud y cais am ganiatâd yn rhwystro ACC rhag gwneud cais arall o dan yr is-adran honno os yw ACC yn gwneud cais am ganiatâd i wneud apêl bellach o dan adran 11(4)(b) neu 13(4)(b) o DTLIG.
- (5) Ond fel arall, mae penderfyniad y tribiwnlys neu'r llys perthnasol ynglŷn â chais o dan adran (2) yn derfynol.
- (6) Yn yr adran hon—

ystyr “tribiwnlys neu lys perthnasol” (“*relevant tribunal or court*”) yw pa un bynnag o'r canlynol y mae ACC yn gwneud cais iddo am ganiatâd i wneud apêl bellach—

 - (a) Tribiwnlys yr Haen Gyntaf;
 - (b) yr Uwch Dribiwnlys;
 - (c) y llys apeliadol perthnasol;

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8. (See end of Document for details)

ystyr “llys apeliadol perthnasol” (“*relevant appellate court*”) yw’r llys a bennir felly o dan adran 13(11) o DTLIG.]

Diwygiadau Testunol

- F21** A. 183A wedi ei fewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 65**; O.S. 2018/34, ergl. 3
- F22** Geiriau yn a. 183A(1)(a) wedi ei ailrifo fel a. 183A(1)(a)(i) (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 46(a)**
- F23** A. 183A(1)(a)(ii) ac gair wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 46(b)**

Cytundebau setlo

184 Setlo anghydfodau drwy gytundeb

- (1) Ystyr “cytundeb setlo” yw cytundeb rhwng person y mae penderfyniad apeliadwy yn gymwys iddo (“person perthnasol”) ac ACC fod y penderfyniad—
 - (a) i’w gadarnhau,
 - (b) i’w amrywio, neu
 - (c) i’w ganslo.
- (2) Pan fo person perthnasol ac ACC yn ymrwmo i gytundeb setlo, mae’r canlyniadau i fod yr un fath â phe bai’r tribiwnlys, ar yr adeg yr ymrwymwyd i’r cytundeb, wedi dyfarnu ar apêl yn erbyn y penderfyniad apeliadwy yn y modd a nodir yn y cytundeb.
- (3) Ond nid yw cytundeb setlo i’w drin fel un o benderfyniadau’r tribiwnlys at ddibenion adrannau 9 i 13 o **Ddeddf Tribiwnlysoedd, Llysoedd a Gorfodaeth 2007 (p. 15)** (adolygiad o benderfyniadau ac apelau yn erbyn penderfyniadau).
- (4) Nid yw is-adran (2) yn gymwys os yw’r person perthnasol, o fewn 30 o ddiwrnodau i’r diwrnod yr ymrwymwyd i’r cytundeb setlo, yn rhoi hysbysiad i ACC fod y person yn dymuno tynnu’n ôl o’r cytundeb.
- (5) Nid yw is-adran (2) yn gymwys i gytundeb setlo nad yw mewn ysgrifen onid yw’r ffaith yr ymrwymwyd i’r cytundeb, a’r telerau y cytunwyd arnynt, yn cael eu cadarnhau drwy hysbysiad a ddyroddir i’r person perthnasol gan ACC.
- (6) Pan ddyroddir hysbysiad yn unol ag is-adran (5), mae’r cyfeiriadau yn is-adrannau (2) a (4) at yr adeg yr ymrwymir i’r cytundeb setlo i’w trin fel cyfeiriadau at yr adeg y dyroddir yr hysbysiad.
- (7) Ni chaiff person perthnasol ac ACC ymrwmo i gytundeb setlo mewn perthynas â phenderfyniad apeliadwy os yw apêl yn erbyn y penderfyniad wedi ei dyfarnu yn derfynol.

Gwybodaeth Cychwyn

- I26** A. 184 ddim mewn grym ar y Cydsyniad Brenhinol, gweler **a. 194(2)**
- I27** A. 184 mewn grym ar 25.1.2018 gan O.S. 2018/33, **ergl. 2(i)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 8.